

Universitätsbibliothek Paderborn

M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

M. Fab. Quintiliani Declamationes Undeviginti. M. Fabii Avi Et Calpurnii
Flacci Declamationes. Auctoris Incerti Dialogus De causis corruptae
Eloquentiae - Cvm Variorum Notis

Quintilianus, Marcus Fabius

Lugd. Batav. ; Roterodami, 1665

XX. Prostitutus ex geminis.

urn:nbn:de:hbz:466:1-12889

quam errare, felicis est: ita errorem quamprimum emendare, sapientis. Parentum illa deliberatio fuit, hæc jam cunctatio parricidarum est. Ætate lapsi sumus, egestate correcti. In hoc vos exoramus loco, in quo etiam hostes superati non frustra supplicaverunt. ¹ Ergo ille tristis, & sœvus cum abdicarem tamen fui, & semper ex eo licet tacitus ingemui, & opportunum jus restitutionis optavi. Restituet vobis filios auctoritas publica, tanquam alia natura. Vereor jam P. C. ne sapientior videatur & certior ille abdicatorum senatus. Fateor, armatorum facie ² non immerito *, terremur enim sua morte. Quemadmodum possum te, fili carissime, vel in morte revocabo, inferam majorum sepulcris, & elogio, quod optasti, nomen inscribam,

X I X.

Abdicatus immolandus.

In pestilentia responsum est finem futurum immolato eo, qui patrem non haberet. offert se abdicatus. Qui abdicavit, contradixit.

PRO ABDICATO.

AMplexus sum mortem usque adhuc necessariam, nunc etiam gloriosam. Mori prohibes, & intervenis, quo minus spiritum, quem fortunæ meæ debeo, patriæ profundam. Quotiens te video, totiens scio me patrem non habere.

X X.

Prostitutus ex geminis.

Ex duobus geminis alter prostat, reddit alter in senatu causas mortis voluntariæ.

PRO FRATRE MORITURO.

UTINAM quidem P. C. mori vellet frater! homini verecundo, cui necesse est, ut ea de germano meo dicam, quæ tanti habeo perire, ne videam. Nostis nos, P. C. Etenim pluribus noti sumus, quam & ætas & vere-

cundia

¹ Ergo ille tristis.] Scribe: Ego ille
tristis & sœvus, cum abdicarem, tamen

² Non immerito * terremur enim.] Forte:
Fateor armatorum facie non immerito terre-
murm. Terrent & sua morte. Idem.

cundia postulat. Raptus est mihi, ¹ frater, pessimis comitibus & perditis. Duce namque luxuria & subremigante, seu potius velificante nequitia in illos impudicitiaz scopulos, & ipsa famæ suæ naufragia delatus. Proh deum atque hominum fidem! qua in civitate prostitui licet, mori non licet? An utrumque congruere æstimatis huic ordini, & vitam turpem ² promittere, & ab honesta morte prohibere? Vivere non sustinerem, si hæc in mea vel sorore vidisssem. Improbi flagitatores, qui detrimenta pueritiae suæ mutuo dedecore compensant.

XXI.

Pictura viri fortis.

VIRORUM FORTIUM FACTA PINGANTUR. VIRI FORTES DE PRÆMIO ARMIS CONTENDANT. Fratres fortiter fecerunt: pater à minore petit, ut majori cederet: non impetravit. Prælio interficit majorem minor. Petit præmio, ne facta pingantur. Pater contradicit.

CONTRA FILIUM.

SI quid precibus contra filium meum possem, domi monere quam publice maluissem. Nihil audeo filio dicere, quam quod ab ipso nuper audivi: leges uti valeant, quam quicquam mali facere. Cede fratri, cede vel patri, victor eris, mihi crede, si cesseris. Didici salvis legibus, parcidium posse committi. Cætera jam non sunt narranda, pingenda sunt. Vana & inepta formido est, videre non posse, quod feceris, & colorem timere, quod ³ per sanguinem simuletur hoc factum, non tantum colore, sed ære, si possit & lapide, & quacunque ⁴ corporum nostrorum materia vel ars æmulata est. Infecta quemadmodum possunt esse, quæ facta sunt? Picta quidem interim non sunt,

¹ Frater pessimis.] Utique à pessimis.
Idem.

² Promittere.] Legendum permittere.
Pithœus.

³ Per sanguinem.] Hic adjici debet asteriscus qui corruptum locum nota-

ret. Idem.

⁴ Corporum nostrorum materia vel ars.]
Fortassis: & lapide, & quacunque materia corporum nostrorum fila ars imitata est.
Lucretianum fila corporum. Gronov.